

www.BibleForChildren.org


मत्ती १




एलिसिबा के गरब के छठमें महेना मैं परमेस्वर की तरफ से जिब्राईल नाओं को स्वर्गदूत गलील के नासरत नगर मैं, एक कुवाँरी के झोने भेजो गौ। जोको नाओं मरियम रहै बाकी दिखनौरी यूसुफ नाओं दाऊद के बंस के एक आदमी से भइ रहै।



स्वर्गदूत बासे कही, “हे मरियम; डराबै मति,
काहैकि परमेस्वर की अनुग्रह तेरे ऊपर भइ है।
और देख, तैं पेट से होबैगी, और एक लौड़ा कै
जनम देगी, तैं बाको नाओं ईसु रखिये। बौ
महान होगो; और परमप्रधान परमेस्वर
को बालका कहो जागो। और प्रभु
परमेस्वर बाके दऊवा दाऊद की
सिंहासन बाकै देगो, और बौ याकूब के
बंस मैं हमेसा राज्य करैगो; और बाको राज
कहुए खतम नाय होगो!”




मरियम स्वर्गदूत से कही, “मैं एक कुवाँरी हौं।
फिर ऐसे कैसे हुई सकथै?” स्वर्गदूत बाकै
जबाब दई, “पवित्र आत्मा तेरे ऊपर उतरैगी,
और परमप्रधान परमेस्वर की सामर्थ्य तेरे
ऊपर आबैगी; जौ बजह से पवित्र
बालका कै परमेस्वर को
लौड़ा कहो जागो।”



कुछ समय बाद मरियम तैयार भइ और जल्दी से पहाड़ी देस में यहूदा के एक सहर में चली गई। बौ जकर्याह के घरै जाएकै एलिसिबा के नमस्ते करी। जब एलिसिबा मरियम को नमस्ते सुनीं, तुरंतै एलिसिबा को बालका बाके पेट में उछलो, और एलिसिबा पवित्र आत्मा से भर गई और एलिसिबा जोड़न से चिल्लाए कै कही, “तैं बईय्यरन में परमधन्य है, और आसीसित है बौ बालका जोकै तैं जनम देगी!”



ईसु मसीह को जनम ऐसे करके भौ। बाकी अईय्या मरियम की दिखनौरी यूसुफ से हुई गई रहै, लेकिन जासे पहले कि बे बिहा करते, बाकै पता चल गौ कि बौ पवित्र आत्मा की सक्ति से गर्भवती है। लेकिन बाको होन बारो लोगा यूसुफ एक अच्छो और धर्मी आदमी रहै, बौ नाय चाहत रहै कि बाकै लोगन के सामने बदनाम करै, तभई बौ तै करी कि चुप्पे से बौ मंगनी तोड़ देबै।



जब बौ जौ बारे मैं सोचतै रहै, प्रभु को एक स्वर्गदूत बाकै सपने मैं दिखाई दई और कही, “हे यूसुफ दाऊद के लौड़ा, मरियम कै अपनी बईय्यर बनान के ताहीं मत डराबै। काहैकि जो बच्चा बाके गरब मैं है बौ पवित्र आत्मा की घाँई से है। बाको एक लौड़ा होगो, और तुम बाको नाओं ईसु रखियो, काहैकि बौ अपने लोगन कै उनके पापन से बचागो।”



जब यूसुफ नींद से उठो, तब बौ बहे करी जो प्रभु को स्वर्गदूत करन के ताहीं आग्या दर्ई रहै बौ मरियम से बिहा करी, जैसी कि प्रभु के दूत बाकै आग्या दर्ई रहै। लेकिन अपने लौड़ा के पैदा होन से पहले बाके संग कोई गलत संबंध नाय रहै। और युसुफ अपने लौड़ा को नाओं ईसु रखी।



बौ समय कैसर सम्राट औगुस्तुस के हात पूरी जग के साम्राज्य में
जनगड़ना पंजिका करन को आदेस दर्ई रहै। और सब जनी अपनो नाओं
जनगड़ना में लिखवान ताहीं
अपने-अपने सहर कै गै।



यूसुफ जौ बजह से कि बौ राजा दाऊद के घराने और बंस को रहै,
गलील के नासरत सहर से यहूदिया में दाऊद के सहर बैतलहम कै गौ।

बौ मरियम के संग जनगड़ना

करवान गै, जोसे बाकी

दिखनौरी भइ रहै।

और बौ पेट से रहै।




और जब बे बैतलहम में रहें, तौ
मरियम के बालका को जनम
लेन के पूरो समय हुई गौ।



मरियम अपनो पहलोठो बालका कै जनम दर्ई, और बाकै लत्ता में लपटे
कै खुड़ली में लिटाए दर्ई काहैकि उनके ताहीं सराय में जघा ना रहै।



बौ देस में कुछ बरदिया रहैं, जो रात में मैदान में रहकै अपने
भेड़-बकरियन के झुंड की रखबारी करत भइ खेतन
में रात बितात रहैं।



उन्हें परमेश्वर को एक दूत दिखाई दई, और प्रभु की महिमा को तेज उनके ऊपर चमको, बरदिया गजब डराय गै रहैं, पर स्वर्गदूत उनसे कहीं, “मत डराबौ! मैं हियाँ तुमरे ताहीं

सुसमाचार
लैकै आओ हौं,
जोसे सब लोगन
बड़ा खुसी होगी।”



“आजै के दिन दाऊद के सहर में तुमरे ताहीं एक उद्धारकर्ता जनमो है,
और बहे प्रभु मसीह है! और जाको तुमरे ताहीं जौ चिन्ह है, कि तुम
एक बालका कै लत्ता में लिपटो भौ और खुड़ली

में लेटो भौ
पावैगे।”



अनकाचीति एक स्वर्गिय सेना स्वर्गदूत के संग दिखाई दई, जो परमेस्वर की स्तुति गात रहैं: “परमेस्वर की महिमा ऊँचे स्वर्ग में, और पृथ्वी में सांति बे लोगन के ताहीं है जिनसे बौ खुस है!”




जब स्वर्गदूत बरदियन के झोने से बापस स्वर्ग में चले गै, तौ बरदिया आपस में बतकाई, “आबौ, आपन बैतलहम जाएकै जौ बात जो भई हैं, और जोके बारे में प्रभु हमें बताई है, देखथैं।”



और बे तुरंत फुर्ती से जाएके मरियम और यूसुफ कै पाई, और बौ बालक कै खुड़ली में पड़ो भौ देखीं। जब बरदिया बाकै देखीं, तौ बे उन्हें बात बताई कि स्वर्गदूत बालका के बारे में का कहीं रहैं।




ईसु को जनम यहूदिया के
बैतलहम सहर में बौ समय
भौ जब हेरोदस राजा रहै।
जाके तुरंत बाद, कुछ
विद्वान लोग जो
तारन को अध्ययन
करत



रहैं, अगर से यरूसलेम आए बे पूँछीं,
“यहूदियन को नया जन्मों भौ राजा कहाँ
है? हम बाके तारा कै आसमान में देखे,
तभई हम पूँछ रै हैं, और हम बाकी
आराधना करन कै आए हैं।”



तभई राजा हेरोदस अगार से
ज्योतिसियन कै चुप्पे से बैठक मैं
बुलाई और उनसे पता लगाई कि
तारा कौन से समय दिखो रहै।
तब बौ उनके जौ हुकम दैकै
बैतलहम पनारी: "जाबौ बौ
बालका के बारे मैं अच्छी तरह से
पता लगाबौ, और जब तुम्हें बौ
मिल जाबै, तौ मोकै बताओ,
जोसे महुँ जाएकै बाकी
आराधना कर सकौं।"



और बे राजा की आग्या सुनकै चले गै, और उनके राह में बहे तारा
दिखो जो बे अगर मैं देखीं रहैं।



बे घर में गै, और जब बे बालक कै बाकी अईय्या मरियम के संग देखीं,
तौ झुककै घूँटो टेक बाकै दन्डवत करीं। और बे अपनो कीमती चीज को

पिटारो खोलीं और अपनो सोनो, लोबान और


मुर को भेंट लायकै, बाके सामने भेंट
करीं। फिर बे दुसरी रस्ता से अपने देस

कै लौट गै, काहैकि परमेस्वर उनके


सपने में चिताई रहै कि

हेरोदस के झोने फिर

मत जईयो।



जब वे चले गै, तब प्रभु को एक
स्वर्गदूत यूसुफ के सपने में दिखाई
दई और कही, “राजा हेरोदस
बालक कै मारन के ताहीं हूँडैगो।
सो उठ, बालक और बाकी अईय्या
कै लै जा और मिस्र देस कै भाज
जा, और जब तक मैं तुमकै देस
छोड़न के ताहीं ना कहमाँ,
तब तक हूँनै रहियो।”



तौ युसुफ उठो, और बालक और
बाकी अईय्या कै लैकै रातै कै मिस्र कै
चले गौ, जहाँ बौ राजा हेरोदस के
मरन ले रहो। ऐसो तभई भौ जौ प्रभु
भविश्यवक्ता के जरिये कही रहै, बौ
पूरो हुई जाबै "मैं अपने बालक
कै मिस्र से बाहर बुलाओ।"




राजा हेरोदस जब जौ देखी कि सितारन
को अध्ययन करन बारे विद्वान बाके
संग चाल चली हैं, तब बौ भौत गुस्सा
हुई गौ और बौ आग्या दर्ई कि बैतलहम
और बाके आसपास में दुई साल या बासे
छोटे सबै बालकन की हत्या कर दर्ई जाबै!

सितारन को अध्ययन करन
बारे विद्वान
के
बताए भै



समय को आधार
बनाएकै जौ करी।






जब राजा हेरोदस की मौत हुई गई, तब प्रभु को एक स्वर्गदूत मिस्र में यूसुफ के एक सपने में दिखाई देई। बौ कही, “उठ, बालका और बाकी अईय्या के लै जा, और इस्राएल देस की जमीन में तुम बापस लौट जाबौ, काहैकि जो आदमी

बालकन की ज्यान लेन बारो रहै बौ मर चुको है।”




लेकिन जब यूसुफ सुनी कि हेरोदस
अपने लौड़ा अर्खलास कै
यहूदिया को राजा बनाई है,
तौ बौ हूँना जान से डरो।
बाकै एक सपने
मैं निरे



निर्देस मिले रहैं,
तभई बे गलील परदेस मैं चले
गौ। और नासरत नाओं के एक सहर मैं अपनो
घर बनाई। और तभई भविश्यवक्ता जो कहीं रहैं बौ बात सच
मैं पूरी भइ: “बाकै नासरी कहो जाबैगो।”



काहैकि परमेस्वर जौ दुनिया से ऐसो प्यार करी
कि बौ अपनो इकलौतो लौड़ा दै दर्ई, ताकी जो
कोई बाके ऊपर बिस्वास करै, बौ नास ना
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पामैं।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। में जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Rana Tharu Bible (thr) ©The Word for the World
International and Rana Tharu Translation Samithi,
Khatima, UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

www.M1914.org

www.bibleforchildren.org

